

王文才◎點校

史夢蘭集

五

天津古籍出版社

天津出版傳媒集團

史夢蘭集

五

古今風謠補注
古今諺補注
古今風謠拾遺
古今諺拾遺

(清)史夢蘭◎輯
王文才◎點校



天津出版傳媒集團
天津古籍出版社

同治癸酉槧

古今謠諺

止園藏板

同治癸酉槧

謠諺拾遺

止園藏板

楊升斧先生所輯古今風謠古今謠各一卷行世已久然其中事有重出注多脫漏前復禮何未歸畫一蓋亦常年未成之書也景不揣固陋略

加補正重為付梓茲以謠諺拾遺十卷附於其後升斧後起當亦引為同志也同治癸酉喜仲夏屋後



古今風謠

明成都楊慎升菴纂 樂亭後學史夢蘭補註

堯時康衢童謠 爾案列子堯治天下五十年徵服遊於康衢聞兒童謠云云

立我蒸民莫非爾極不識不知順帝之則

中侯稷起謠 緯

蒼耀稷生感述

昌握契謠 詩緯

元鳥翔水遺羽流城簡狄吞之生契封

包山謠 揚方吳越春秋○沈懷遠南越志曰牛女之分峻起壁立內有金簡玉字

有金簡玉字

禹得金簡玉字書藏在洞庭包山湖

西海童謠

吳王出遊觀震湖龍威丈人名隱居北上包山入靈墟乃造

洞庭竊禹書天地大文不可舒此文長傳百六初今強取之

喪國廬 今強取之四字一作若強取出

殷末謠 三首

代殷者姬昌日衣青光 春秋元命包

殷成妲己玉焉走 殷尚白也陳子昂詩昔日殷王子玉馬逐朝周○走音近起○論語比讒

上天弗恤復命其卒 呂覽○爾案呂氏春秋慎大覽云桀迷惑於末嬉不恤其眾民心積怨皆曰云

云據此當作夏末原作殷未誤

古今諺拾遺卷三

樂亭 史夢蘭 香厓輯

祠田祝辭 劉向說苑

下田沔邪得穀百車醫渠者宜禾又云醫渠者宜禾沔邪者百車傳之後世洋洋有餘

田家五行諺

日頭燕雲障晒殺老和尚 日外自雲障中起主晴○以下論日

烏雲接日明朝不如今日

日落雲沒不雨亦寒

日落雲裏走雨在半夜後

日落烏雲半夜榜明朝晒得背皮焦 此言半天原有黑雲且落雲外其雲夜必開散

明必甚晴也

今夜日沒烏雲洞明朝晒得背皮痛 此言天雖有雲及日沒下去都無雲而見日狀如岩洞者也

月照後壁人食狗食 新月落北主米貴

一個星保夜晴 雨後天陰但見一兩星此夜必晴

明星照爛地來朝依舊雨 言久雨正當黃昏卒然雨住雲開便見滿天星斗豈但明日有雨當

夜亦未必晴

西南轉西北搓繩來絆屋 以下論風

半夜五更西天明拔樹枝

日晚風和明朝再多

點校說明

- 一、本書以同治癸酉刊樂亭史氏止園藏板《古今謠諺》《謠諺拾遺》爲底本。
- 二、本書的點校工作遵循古籍整理的一般規則。
- 三、原書史夢蘭所加按語，均前加「○」符號以標識。
- 四、原書一個條目下或列有數條謠諺者，各條均分行排列。
- 五、原書一條謠諺下的小注或有並列引用兩條及以上文獻者，自第二條文獻始，均前加「○」符號以標識。
- 六、小注中若單純引用文獻，或全引或摘引，均不加引號，僅在所引文獻名目後以冒號標識。所引文獻中的人物對話和一些需要特別標注的詞語，以及引文中的引文，則加引號予以標識。轉述文獻，亦從此例。

自序

楊升菴先生所輯《古今風謠》《古今諺》各一卷，行世已久。然其中事有重出，注多脫漏，前後體例未歸劃一。蓋亦當年未成之書也。蘭不揣固陋，略加補正，重爲付梓，並以《謠諺拾遺》十卷附於其後。升菴復起，當亦引爲同志也。同治癸酉春仲，香厓識。

目錄

點校說明	一
自序	一
古今風謠補注	三
古今諺補注	七一
古今風謠拾遺	
古今風謠拾遺卷一	一一三
古今風謠拾遺卷二	一四一
古今風謠拾遺卷三	一五九
古今風謠拾遺卷四	一九一
古今諺拾遺	
古今諺拾遺卷一	二三三
古今諺拾遺卷二	二六七

古今諺拾遺卷三	三〇二
古今諺拾遺卷四	三二五
古今諺拾遺卷五	三五〇
古今諺拾遺卷六	三七一



古今風謠補注

古今風謠補注

明成都楊慎升菴纂
樂亭後學史夢蘭補注

堯時康衢童謠

○蘭按，《列子》：「堯治天下五十年，微服遊於康衢，聞兒童謠云云。」

立我蒸民，莫非爾極。不識不知，順帝之則。

中侯稷起謠

《詩緯》。

蒼耀稷，生感迹。

昌握契謠

《詩緯》。

玄鳥翔水，遺卵流城，簡狄吞之生契封。

包山諺

楊方《吳越春秋》。沈懷園《南越志》曰：「牛女之分，揚之末土也。爰有大山，州實曰秦望。又有石簣，峻起壁立，內

有金簡玉字。」

禹得金簡玉字書，藏在洞庭包山湖。

校按：

【一】『沈懷園』當爲『沈懷遠』之誤。

西海童謠

吳王出遊觀震湖，龍威丈人名隱居。北上包山人靈墟，乃造洞庭竊禹書。天地大文不可舒，此文長傳百六初，今強取之喪國廬。『今強取之』四字，一作『若強取出』。

殷末謠

三首。

代殷者姬昌，日衣青光。《春秋元命包》。

殷惑妲己玉馬走。殷尚白也。陳子昂詩：『昔日殷王子，玉馬遂朝周。』『走』音近『起』。《論語比識》【二】。

上天弗恤，夏命其卒。《呂覽》。○蘭按，《呂氏春秋·慎大覽》云：『桀迷惑於末嬉，不恤其衆，民心積怨，皆曰云云。』

據此，當作『夏末』。原作『殷末』，誤。

校按：

【一】『《論語比識》』應爲『《論語比考識》』。

隨雉二謠 《詩緯》。

昌受符，厲倡嬖，斯十之世權在室。

剡者配姬以放賢，山崩水潰納小人，家伯罔主異哉震。「剡者」，指豔妻也。孔穎達曰：剡、豔，古今字耳。

白雲謠

《穆天子傳》曰：天子觴西王母於瑤池之上，西王母爲天子謠，天子答之。

白雲在天，山陵自出。道里悠遠，山川間之。將子無死，尚能復來。「山陵」當作「邱陵」。

穆天子謠

予歸東土，和洽諸夏。萬民平均，吾顧見汝。比及三年，將復而野。

黃澤辭

《穆天子傳》曰：天子東遊於黃澤，使宮樂謠云：

黃之隄，其馬歎沙，皇人威儀。黃之澤，其馬歎玉，皇人壽穀。

周宣王時童謠

《國語》作「童謠」。《漢書·五行志》有「女」字。○蘭按，《史記·周本紀》云：「昔自夏后氏之衰也，有二神

龍止於夏帝庭，夏帝請其禁而藏之。夏亡傳殷，殷亡傳周。比三代，莫敢發。至厲王之末，發而觀之。禁流於庭，不可除。厲王使婦人裸而諫之，禁化爲龜，以入王後宮。後宮之童妾既亂而遭之，既笄而孕，無夫而生子，懼而棄之。宣王之時，童女謠云云。於是宣王聞

之，有夫婦實是器者，使執而戮之。逃於道，而見鄉者後宮童妾所棄妖子，哀而收之，遂亡奔於褒。褒人有罪，請入童妾所棄女子者於王，是為褒姒。」

檠弧箕服，實亡周國。山桑曰檠，弧，弓也；箕，竹名；服，矢房也。《列子》：「良弓之子，必學為箕。」箕，蓋矢房。

舊說以為簸箕之箕，非。顏師古曰：「服，盛箭者，今之步叉。箕草似荻而細，織之為服也。」按，「箕」字韋昭以為木名，師古以為草名。

魯國童謡 《左氏傳》。魯文、成之世童謡也。至昭公時，有鸛鵒來巢。公攻季氏敗，出奔齊，居外野，次乾侯。八年，死於外，歸葬。魯昭公名稠。公子宋立，是為定公。

鸛之鵒之，公出辱之。鸛鵒之羽，公在外野。往饋之馬，鸛鵒跕跕。公在乾侯，微褰與襦。鸛鵒之巢，遠哉遙遙。稠父以勞，宋父以驕。鸛鵒鸛鵒，往歌來哭。

論語比考識

子欲居九夷，從鳳嬉。

晉獻公時童謡 《春秋左傳》曰：晉獻公伐虢，圍上陽^(二)，問於卜偃曰：「吾其濟乎？」偃以童謡對，曰：「克之。」

丙之晨，龍尾伏辰。鈎服振振，取虢之旂。鶉之賁賁，天策焯焯。火中成軍，虢公其奔。

校按：

【一】『上陽』原作『下陽』，據楊伯峻編著《春秋左氏傳注》（中華書局一九八一年版）改。

晉惠公時童謠

《漢書·五行志》曰：晉惠公賴秦力得立，立而背秦，內殺二大夫，國人不說。及更葬其兄恭太子申生而不敬，故詩妖作也。

恭太子更葬兮，後十四年，晉亦不昌，昌乃在其兄。

楚昭王時童謠

《家語》。◎蘭按，《家語》：「楚昭王渡江，江中有物觸王舟，舟人取之。王遍問群臣，莫之能識。王使使聘於魯，問於孔子。孔子曰：『此萍實也，可剖而食之，唯霸者為能獲焉。』魯大夫問曰：『夫子何以知其然？』曰：『吾昔之鄭，過乎陳之野，聞童謠云云。此楚王之應也，是以知之。』」

楚王渡江得萍實，大如斗，赤如日，剖而食之甜如蜜。

周末時童謠

《家語》。◎蘭按，《家語》：「齊有一足之鳥，下止於殿前，舒翅而跳。齊侯大怪之，使問於孔子。孔子曰：『此鳥名商羊，水祥也。昔童兒有屈其一脚，振訊兩肩而跳且謠。今齊有之，其應至矣。』」

天將大雨，商羊鼓舞。

春秋時長春謠 《易妖占》。

豐其屋，下獨苦。長狄生，世主虜。

齊人謠 《春秋實乾圖》。

移河爲界在濟呂，填闕八流以自廣。 《書》「九河」注疏引之。言齊桓公闕八流拓境，塞其東流八枝，并使歸於徒駭也。

齊人東郭謠

○蘭按，《管子·戒篇》。此管仲告桓公語，並非童謠。

東郭有犬，嗥嗥日夕，欲噬我猥。西郭有犬，嗥嗥日夕，欲噬我猥。北郭有犬，嗥嗥日夕，欲噬

我猥。 指豎刁、易牙、開方三子也。

吳夫差時童謠

梧宮秋，吳王愁。

燕昭王時童謠

《戰國策》：田單攻狄不下，童謠曰。○蘭按，《戰國策》：「田單攻狄，三月不克，齊嬰兒謠云云。」註：「壘，

軍壁也。言大不能降一壘，小不能枯一丘，言無人物。」補註曰：「吳氏《韻補》：「能，叶年題反；丘，叶一其反。」廬陵劉氏讀「壘枯丘」，謂空守一丘爲壘。《說苑》：「攻狄不能下，壘於梧丘。」齊景公田於梧，地名也。一本引《北堂書鈔》同《說苑》，無「能」字。一本「壘枯骨成丘」，《通鑑》從之。各有不同，似「梧丘」義長。」據此，則題當作「齊嬰兒謠」。

大冠若箕，修劍拄頤。攻狄不能，下壘枯邱。

趙殺李牧童謠

○蘭按，《風俗通》：「趙王遷信秦反間之言，殺其良將李牧而任趙括，遂為所滅，此童謠云云。」

秦為笑，趙為號。以為不信，視土上生毛。

秦皇時民謠

楊泉《物理論》。

生男慎勿舉，生女哺用脯。不見長城下，尸骸相支柱。

三戶謠

懷王為張儀所欺，客死於秦。至王負芻，遂為秦所滅。百姓哀之，為之語曰。○蘭按，《史記·項羽紀》注：張晏曰：『三

戶，地名，在梁洪西南。』韋昭曰：『三戶，楚三大姓，昭、屈、景也。』《正義》：三戶，漳水津也。

楚雖三戶，亡秦必楚。

甘泉謠

運石甘泉口，河水不敢流。千人唱，萬人謳，金陵餘石大如漚。

虞美人帳中歌

《史記正義》。